

rücke wehe / nym alten wein / vnd vngesaltzen butter /
send es mit einander / darnach thu ein baumwollen
darein / vnd salb damit den rücken / thu des gleichen
auff schultern vnd hals.

Widder das fieber odder kalte.

Send wegrichwurtz ynn wein / vnd trincke yhn.
Item / nym .xx. Pfefferkörner vnd ein knoblachhan-
bt / stoss vntereinander mit wenig wassers / seyge es
durch ein tüchlein / gibs yhm zu trincken / vnd hüt sein
wol mit essen.

Widder das fieber hilfft nichts so
wol / als mürbe speise / iunge hünner / Lemmerfleisch /
das wol gesoten sey mit Pfeffer vnd Ingber / vnd was
wol hitzt.

Fasten es am dritten tage.

Nym Garben vnd zwier so viel Gamillen / sends yn
gutem wein / vnd seyge es durch ein tuch / lass stehen
drey tage / trincks so dir wehe ist / Odder isse alle tage
Coriander / ehe dir der brech thut / Send scheffen flei-
sch / vnd aus der brü las ein müslein kochen / das isse.

Ein anders.

Nym haselwurtz / des krants vier bletter / ynn einem
lawlichen wein trincks / Odder nym den safft aus pir-
cken / temperiers mit öle / salb damit den siechen bey ei-
nem feuer.

Item / nym Pfiersingbletter / Eisen-
kraut vnd Erdgall / mit wurtzel vnd kraut / send das
yn wein / nym denn schwefel vnd stoss yhn / wenn das
fieber komen wil / so nym des weins von würtzen drey
eyerschalen vol / thu des gestoffen schwefels ein halbe
eyrschalen vol drein / werm das miteinander / vnd gibs
yhm zu trincken / ehe yhn die krankheit berürt / decke
yhn warm vnd las yhn ligen / so er schwitzt / so wisch
den schweys mit einem saubern tüchlein von yhm ze.

Wer das fieber erst gewint / der nem wegrichwurtz /
stoss mit